

UGOVOR

o nabavci i isporuci roba: štampani materijal

Između:

1. **Općinski sud u Visokom**, ulica Alije Izetbegovića broj 1, Visoko koga zastupa predsjednik suda Avdija Avdić (u daljem tekstu: **Naručilac**) i
2. **„Defter-komerc” d.o.o.**, koga zastupa direktor Emir Hodžić, sa sjedištem u Sarajevu, ulica Azize Šaćirbegović bb, / u daljem tekstu: **Isporučilac** /

Ugovorne strane saglasno konstatuju da je na osnovu Odluke o izboru najpovoljnijeg ponuđača, broj 041-0-Su-26-001069 od 5.5.2026. godine ponuđač „Defter-komerc” d.o.o izabran kao najpovoljniji, te da su se ugovorne strane sporazumjele o sljedećem:

I PREDMET UGOVORA

Član 1.

Predmet ovog Ugovora je **Nabavka štampanog materijala** i to:

- isporuka štampanog materijala u trajanju od godinu dana od dana potpisivanja ovog Ugovora koje će **Isporučilac** dobiti **Naručiocu** u skladu sa odredbama ovog Ugovora i sljedećim dokumentima koji čine sastavni dio ovog ugovora u obliku njegovih priloga i to:
- Ponudom/specifikacijom Isporučioca broj 02-04/2026 od 24.4.2026. godine dostavljena po Konkurentskom zahtjevu za nabavku roba - Nabavka štampanog materijala.

II CIJENA

Član 2.

Cijena koju će **Naručilac** isplatiti **Isporučiocu** za robu iz člana 1. Ugovora iznosi:

Cijena bez PDV-a: 19.550,00 KM;

Porez na dodanu vrijednost (PDV 17%)=3.323,5 KM;

UKUPNA VRIJEDNOST/CIJENA sa PDV-om=22.873,5 KM

(slovima: dvadesetdvijehiljadeosamstotinasedamdesettri i 50/100 KM).

III USLOVI I NAČIN PLAĆANJA

Član 3.

Plaćanje će se izvršiti u roku od 60 dana od dana zaprimanja računa za stvarno isporučenu robu. **Naručilac** ne prihvata avansno plaćanje i traženje sredstava osiguranja plaćanja. Ukupna plaćanja **Isporučiocu** bez PDV-a na temelju sklopljenog ugovora ne smiju prelaziti procijenjenu vrijednost nabavke.

Obaveza **Naručioca** da isplati cijenu podrazumijeva poduzimanje mjera i udovoljavanje formalnostima predviđenim Ugovorom ili odgovarajućim zakonima i propisima da bi se omogućilo plaćanje. **Isporučilac** je dužan izdati/sačiniti fakturu u skladu sa odredbama pozitivnih propisa iz oblasti poreza, u suprotnom ista neće biti plaćena i biće vraćena **Isporučiocu** na usklađivanje.

Uslovi plaćanja i drugi uslovi koje **Isporučilac** jednostrano unese u fakturu ne obavezuju **naručioca** ni onda kada je fakturu primio, a nije joj prigovorio.

Isporučilac je saglasan da Naručiocu neće zaračunavati zatezne kamate za zakašnjenje pri plaćanju preko „Trezora“, ako je Naručilac u ugovorenom roku predao nalog za plaćanje.

IV ROK ISPORUKE

Član 4.

Isporučilac je obavezan da isporuku robe iz člana 1. ovog Ugovora vrši sukcesivno ovisno o potrebama Naručioca. Pod isporukom se podrazumijevaju sve potrebne radnje koje je Isporučilac dužan obaviti, prema ugovoru i prirodi posla, da bi Naručilac mogao primiti isporuku.

Mjesto izvršenja obaveza je sjedište ugovornog organa.

Naručilac se obavezuje isplatiti cijenu i preuzeti isporuku ugovorene robe onako kako je predviđeno ovim Ugovorom. Obaveza Naručioca preuzimanja isporuke općenito se sastoji u obavljanju svih radnji koje se razumno od njega očekuju da bi omogućio Isporučiocu izvršiti isporuku i u preuzimanju robe.

V VIŠA SILA

Član 5.

Ako slučaj više sile koja potpuno ili djelimično spriječi trajno ili privremeno izvršenje obaveza po ovom Ugovoru, Ugovorna strana koja se poziva na taj slučaj obavezna je da u roku od 7 dana od dana nastanka više sile o tome obavijesti drugu Ugovornu stranu na način koji je u datoj situaciji moguć (telegram, telefax i sl.).

Pod višom silom u smislu prethodnog stava podrazumijeva se događaj ili okolnost koji nisu postojali u vrijeme potpisivanja ovog Ugovora, koji su nastali mimo volje i moći Ugovorne strane, čije se nastupanje nije moglo predvidjeti i čije se posljedice nisu mogle izbjeći ili otkloniti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

VI STUPANJE UGOVORA NA SNAGU

Član 6.

Ovaj Ugovor stupa na snagu danom potpisivanja od strane ovlaštenih osoba ugovornih strana. Svi rokovi u vezi sa ovim ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toka roka.

VII PRIMJENA ZAKONA O OBLIGACIONIM ODNOSIMA

Član 7.

Za sve odnose i institute koji nisu utvrđeni ovim Ugovorom, a proisteknu iz njegove primjene, primjenjivat će se odgovarajuće odredbe Zakona o obligacionim odnosima.

VIII RJEŠAVANJE SPOROVA

Član 8.

Sporove po ovome Ugovoru, Ugovorne strane će riješiti sporazumno. Ukoliko se sporazumno rješenje ne postigne, oštećena strana može ostvariti svoja prava pred nadležnim sudom.